

2 PETRO

Kukue Nuəfə Ko Petro Ləwəni

¹ Mə, Simon Petro, wə ni Yesu Kristo eto uyifoyifo ku ətənkpe, mə ni nwə nle kukue komfo bəwəni kətə mimba eye lə Onanto ku Ofomfokətə Yesu Kristo eto kaseyifoyifo əsuəə, dītə binyə bofokanə bo lefo koya fe bo bole bomfo eto okle.

² Onanto lə usi unə mi kafo eso mmə, nya lə utə mi diyuə kpə eye lə mi Onanto əmə ku Bonamute Yesu eto bote əsuə eso.

Kase Onanto Lékpadi Nya Úləkə Betidi.

³ Onanto éfi wə kosate eto əsuəale útə bo lesa saa nə loofe itə bo faa lə bo nkpə əsuə, bə lə bofó nkpə busiə fe bafokanəfə. Úyifo nyamfo itsyise buyi wə nwə lékpadi bo nkə bunyə kedikə lə wə kosate eto diyənde ku kasεε kəmiə. ⁴ Onanto áye lə kusu komfo əsuə útə bo ətəsa kpaə nnya lefo koya, nnya eto kənyε útsyə bo, bə lə bofó bəye lə ətəsa nyamfo əsuə buləkə bo əsuə butsyiko lə asa bua nnya laale utidi əkəε kabiase wə lə kawunsiə kamfo əsuə. Bə eye lə nnya əsuəə, lə bubə bofiani mba luunyə kedikə lə Onanto eto ditsyəbi nəmə kəmiə.

⁵ Lə nsusu sεε bomfo əsuə esoo, bekpe otsyekle saa biofó lə bifi kaseyifoyifo bəwunsəko ku mi bofokanə. Nya lə bifi kobetete bəkə lə kaseyifoyifo əsuə. ⁶ Nya lə bifi əsuəkatotəkətəkə bəwunsəko kobetete, lə bifi utukpekpe bəwunsəko əsuəkatotəkətəkə, lə bifi Onanto

sikpitete bɛwunsəko utukpekpe. ⁷ Seyimila wunsəko Onanto sikpitete, nya lə lelabi lə lɛwunsəko seyimila. ⁸ Etsyəbi nyamfo lefe itə mi nɛ nya lə nyamble kenke aka mi kɔni nya yefo disia isia lə mii, yuutə mi eyifosa ebokpa wuee, nya yɔɔbo kutəkə se binyi Bonamute Yesu Kristo eso. ⁹ Nya lə utsyuə əmbə ditsyəbi nəmfoo, nyalɛ utidi əmfo ənnyə asa kukɔɔ, eso weemunyə asa lə katsyontsyokɔ. Itə bə ɔtasuə nkə Onanto əflə abua nnya úyifo kɔ bewui.

¹⁰ Nyaso, mɔ bayimi, bekplatsya lə bińyə kekleke eso kɔ, itə lə Onanto eto bokpadi bo ókpadi mi nya úləkə mii, menyifo ebimbale, nya lə biyifo nkoo, nyafɛ biemubə kama lə mi bofokanɔ əsuə nɛ. ¹¹ Lə biyifo nkoo, biunyə kusu wuee bidufə Bonamute ku Ofomfokətə Yesu Kristo eto seka kedikɔ manlo siamə əsuə.

¹² Ite bə bíyi nyamfo koko nya bíkabɔ keyudu lə mi bofokanɔ əsuə tsyaa, nyifo nnya minkə muukaklomasə mi asa nyamfo lefe saa. ¹³ Nya se minsi minkpe nkpə koo, yɔɔlɛkɛ bə nkaklomasə mi asa nyamfo nya lə nkasanklisə mi lə nnya əsuə. ¹⁴ Nyi minkə ibu sɛkɛ lə mbɔ lə əsuə eto sinə siamfo əsuə fe kase Bonamute Yesu Kristo lɛtɛyi mɛ okpasə. ¹⁵ Mɔɔbɛbɛ kusu saa kɔ əsuə biokakloma asa nyamfo lefe saa lə mɔ ukpə kama ntsyə.

Bo Kosate Ɔnyə Yesu Eto Diyənde Nəmə Ku Bo Ɔnəmi.

¹⁶ Etiki nnya bótɛyi mi itsyi lə Bonamute Yesu Kristo eto businkli kəbə lə əsuəale kplɛ əsuəə, menyifo etiki woenwoe. Bo kosate dínɔyə wə ku bo ənəmi lə wə sɛkplɛ əsuə. ¹⁷ Búńyə mfó lə lefe

nə Anto Onanto dífi dibu ku diyənde útə wə. Nya əkœ læbɔ útsyi diyənde kenke eto Onanto oflɔ nɛ bɔtɛyi nkə, “Nyə nwəmfo ni mɔ ubi lala, wə əsuə məənyə disuəyuə nɛ.” ¹⁸ Bɔ kosate læɔ əkœ əmfo læbɔ utsyi kato, læ lefe nə bóke læ wə oflɔ læ kɔtini kenke komə əsuə.

¹⁹ Nyamfo eso busi bófo Onanto eto bənyeləkətidi eto etiki nnya bábe letsya bətsyə enso nɛ. Bekplatsya læ bɛɛ letsyabebe nəmə fe okandɛ wə nɛ buyənde læ ketuntu əsuə, isu ese læ kolensiənto ko kalesiəsiə eto sefandebi luubɛ siyənde læ mi ketu kəmiə. ²⁰ Lesa nə lefe ele bə binyə bitsyə lekpo ni bənkə, kuutsyuə saa antaka mmə ete uləkə Onanto eto katɛyikətsyə ka nkpe læ Awɔnisa Kenke əsuə kasɔ læ wə kosate eto kobetete əsuə. ²¹ Itsyise Onanto eto katɛyikətsyə eto ditiki saa méntsyi læ utidi kuutsyuə eto lelabi əsuə díbə. Bomu Onanto eto Ləwɔɔ Kenke ləyɛ læ betidi əsuə bətɛyi kənyɛ ka ditsyi Onanto oflɔ kəbə bətsyə.

2

Petro Áɛ Bafokanɔfɔ Kɔɛ Lə Bidiabidia Eto Bateasa Əsuə.

¹ Fe kase bidiabidia eto bənyeləkətidi ləke læ betidi nti kɔɔ, nko ke bidiabidia eto bateasa lɔɔbɔ bakɛ mi lenti nɛ. Bɔɔyɛ læ awɛsu bate bidiabidia eto asa nnya laabiasə betidi eto bofokanɔ. Nya bɔɔni Bonamute wə díləkə mə kulaa tsya. Mə eyifosa nyamfo ebutə batsylɔsə əsuə mlə. ² Betidi kpə ebutəkəko mə nkpə bua siəsiə kama, nya læ bateasa eto eyifosa esoo, betidi ebɔtɛyi asa bua bənyə læ kɔnukualɛsu komə əsuə. ³ Se bateasa

bamə dífi kənənse bətəkə læ atabi bəbebe əsuə esoo, boowoe etiki nnya ni bidiabidia befi bənyə kutəkə læ mi əsuə, Onanto ébolo mə dikpi koko, nya úkəmuə utsyuə əsuə itə mə bətsyləsə!

⁴ Onanto mémfi ótsye wə batənkpe ba léta wə bebu. Bomu okpé mə læ amana óto mə ókpe læ ute kəmiə læ kaka lena tūū isu ese lefe nə okponko mə lekpo. ⁵ Nko ke Onanto dímənyə betidi ba dísiə nkpə kə læ kawunsia kamfo əsuə kaminsə se báni nkpə sɛɛ busie eso. Bəntə Onanto dibu esoo, útə ɔsəmi áni nya ntu díyi bófo kawunsia kenke nya betidi letsylo. Ini Noah wə lébe nkpə sɛɛ siəsiə letsya útə betidi bamə ku bitidi ekuanse bamba ba Onanto díləkə hā díbu.

⁶ Onanto álo Sodom ku Gomora dikpi nya útə ute letsyləsə imənkplɛ inuə nyamfó kenke káfiani ntə, úfi óte lesa nə luutu betidi ba leni bə bembufi dibu bətə wə. ⁷ Onanto ələkə Lot wə ni utidi sɛɛ, nwə betidi bamfó eto nkpə bua siəsiə díkelə læ lekɔəsi. ⁸ Utidi sɛɛ əmfə áke læ mə nti lefe saa. Ǿno nnya kenke nle bubə, nya únyə nnya ku wə ənəmi tsya, itə bə betidi bamfó eto nkpə bua siəsiə bomə əkələ wə tinti læ lekɔəsi. ⁹ Nyamfo le bote kase Boanto laafo betidi sɛɛ buləkə ketsyiko læ botokabe bo əsuə bankpe ku kase waalo babuayifo kətsyə itə lefe nə Lekpoyi Fɛfɛ looyo itə mə kotonənə.

¹⁰ Nya mba wuunə koto enso ni mba lætəkəko əsuə eto sinə biabia eto nkpəsiəsiə kama nya baani beentsyue Onanto eto afi koto. Bidiabidia eto bateasa bamfo kpé ale nya bambu kulesa ku diyənde eto əsuəalə nnya nkpe kato bomuu, baaka mə kulaa tsya. ¹¹ Fɛɛ Onanto eto batənkpe

ba nkpe əsuəalə nya bankpe kənyəale banso bidiabidia eto bateasa bamfo kulaa tsya anla əsuəale nnya nkpe kato kənyə, kaaka mə lə Boanto eto ənəmi. ¹² Betidi bamfo eto okle te fe bebutubuki ba lenyi kobe ba boofu bumuə kalo, nya bəənyə lə lesa saa nə banno kaso əsuə nya beedi etiki bua saa eto okle. Bəotsyləsə mə fe kase baalo bebutubuki seka.

¹³ Boonyə kanyi fe kase bətə betidi dınyə kanyi ke. Beedi nkpe keyifo lesa saa nə ke baala lə nkəminti tsya itsyise beefi nnya fe lesa nə lookpe mə disuəyuə. Beyifo mba leeyifo afanisa ku mba leeyifo asa nnya laanno bobə. Baakə ku mi mba nle eyi budi nya bəənyə disuəyuə lə mə asa bua nnya beeyifo əsuə. ¹⁴ Bakpə disənkpo eto ənəmi nya beeyifo lebuə lefe saa nya yennlə mə. Baawə betidi ba eto bofokanə ləmbə ale kakpe lə lebuə əsuə. Mə ketu emmi kulefe. Onanto ékudi betidi bamfo sitinti! ¹⁵ Báyani kususe bətsyə nya bányə kusu! Bəətənkə Onanto eto unyələkətidi Baalam wə ni Boer eto ubi eto ditsyəbi kama. Waala atabi nnya wuunyə lə asa buayifoyifo əsuə. ¹⁶ Lə nyaso Onanto əyənki ókpe wə lə lebuə nə úyifo əsuə. Wə Baalam kosate eto əflimu édi wə etiki lə utidi eto əkəə əsuə nya úti wə kusu lə disibiabia eto asa nnya ənlə buyifo əsuə.

¹⁷ Betidi bamfo eyifo fe etubiə nnya lensianyifə ntu, fe asəmiləku nnya ufiebi lekpa ənyəko. Onanto ébu kəsiəkə utsyə mbamfo eto okle lə ketuntu tūū kəmiə. ¹⁸ Beedi etiki bimba kabesə əsuə kato. Nya beedi akəəntiki nnya laabiasə utidi əsuə, kawə mba nle bəbə lə betidi ba nsi nkpe bua əsuə eto nti kakpe. ¹⁹ Bidiabidia eto

bateasa bamfo ætsyæ mæ kenye bänkæ bootæ bənyæ əsuæ buusiæ læ mæ əsuæ əsuæ læ lefe nə eto lefe mæ kosate nsi nkpæ bo loobiasæ mæ bafiani ndomufɔ, itsyise lesa nə eto kalɔ fankpee, aafiani ni ndomunya.

²⁰ Læ bətsyuæ əbæ bate Bonamute Yesu Kristo wæ ni Ofomfokətæ, nya bənə mæ əsuæ bəlækæ læ asa nnya laanansə etidisuæ læ kawunsiæ kamfo, nya yankle fɛ asa nyamə disinkli ibə imuə mæ itəkə mæ katoɔ, bəəbə kəsiæ nkpæ bo læ kalosəkɔɔ, laabia kaso mbo bəsiæ kɔ. ²¹ Læ nnya ete betidi bamfo dímanɛ kulesa itsyi læ nkpæ sɛɛ siəsiæ eto kusu əsuəə, eni ɛlɛkɛ itə mæ, eso bə læ bate kusu sɛɛ komə fɛ læ besinkli læ kɔfi kɛnkɛ ko Onanto lékpe mæ eto kama.

²² Lesa nə díbæ mæ læ əsuæ əlækə ete wuee lesa nə akpa nyamfo nɛ bɔtɛyi bə, “Okpa esinkli ɔlɛ wə kala budi,” nya “Okplako wə bəfləsə ntu kukɔnɔ esinkli úsu ɔlɛ kota boke.”

3

Bińyæ Bikabe Kusu Itə Bonamute Yesu Kristo Eto Businkli Kəbə.

¹ Mɔ bayimi lala, nyamfo ni kukue nuəfə ko minɛ bɔwɔni kətə mi nɛ. Læ ekue ənuə nyamfo əsuəə, nkplatsya miə læ nsi nnə mi nsusu nsuko asa sɛɛ nyamfo əsuə læ ekpako mi wuee.

² Nla miə læ nklomasə mi etiki nya Onanto eto bənyɛlækətidi kɛnkɛ lɛtɛyi læ lefe nə lefe mæ, ku lesa nə batɔnkpe bamə lété mi itsyi læ Bonamute we ni Ofomfokətə əsuə.

³ Tutɛɛ, bitə læ ekpako mi wuee biə, læ eyi fɛfɛ nyamfo əsuəə, betidi bətsyuæ ebubə ba difi mæ

əsuə bətə mə əsuə eto sinə eto afanisa yifoyifo. Boomə mi. ⁴ Nya booto mi bənkə, “Nwə ditsyə kənyə nkə ɔlɛ bubə nkpə, sieti onkpə? Itsyise idu lefe nə bo bana mə dīkpə ibə ese mmi, nko ete asa nsi nte fe kase itsyə taa lefe nə Onato dīyifo kawunsiə nɛ.” ⁵ Beyi fɛ betsyə bāni ɔnukuale mə bə etiki te Onanto didi nya úyifo kato ku kasɔ. Wə ke dītə kasɔ lɛbɔ ketsyi lə ntu əsuə nya kabɔ lə ntu əsuə kankpe. ⁶ Nya ɛyɛ lə ntuyiyi əsuə nya Onanto lɛtsylɔsə kawunsiə ka kɔ kenke. ⁷ Onanto eto ditiki nəmə ke dimuə kato ku kasɔ kanlɛ nya ɔnlɛ ke bɔlɔ kətsyə itə ke botonsə. Ɔlɔ mə utsyə itə diyi nə wookponko betidi ba laante Onanto lekpo batsylɔsɛ mə.

⁸ Mɔ bayimi lala, bianta əsuə biənkə lə Onanto eto ənəmii, letekɛkɛ saa əmbə lə diyi lɔni ku alɛ kəkpi eto nti. Lə wə ɔflɔɔ, nyamble akate iyifo ani. ⁹ Lə bətsyuə eto nsusu əsuə, Onanto annlɛ bɔkɔsɛ lə kənyɛ ka utsyə əsuə. Inni nko ini. Bomu ɔlɛ əsuə butsyə ku mi itsyise waanla nkə batsylɔsə kuutsyuə saa. Fɛɛ ola nkə utsyuə saa tsyi ɔwuninsə lə ɔyɛ abua buyifo.

¹⁰ Fɛɛ Bonamute eto diyi nəmə ebubə fe kase uyu ləəbə. Diyi nəmfoo, lə ɔkɔɛ kɛnɛnɛnɛ eto bɔbɔ ketsyi kato əsuə asa nnya nkpe kato ebonya. Nya asa nnya nkpe kato kenke looto ɛtsylɔ nya asa nnya kenke nkpe lə kasɔ loonya.

¹¹ Se asa nyamfo kenke loobia mmə, nte betidi ba eto okle ele bə bidi? Ele bə bisia nkpə bo diyifo kɛnkɛ lə bifi əsuə bitə Onanto. ¹² Nya lə kase binsi bənlɛ kusu bobɛ itə Onanto eto diyi nəmə bekplatsya lə dibə mlə. Diyi nəmfoo, kato kenke

looto katsylo, nya ute loolonsə kato eto əsuəale kenke ebiasə. ¹³ Fɛɛ boo, buunyə bukabe kusu itə Onanto eto kənyɛ ka úsyə. Kato fɔfɔ ku kasɔ fɔfɔ ka luubə kaka kaseyifoyifo s̄s̄ lɔkɛ mfó kenke.

¹⁴ Nyaso, mɔ bayimi, se bífi mi kusubebe kenke bitəkə lə diyi nəmə əsuə esoo, bekplatsya lə biyifo mi əsuə kenke, kabua saa manke lə mi əsuə lə Onanto eto ənəmi, lə beke lɛ diyuə əsuə ku wə. ¹⁵ Ele bə bifi kase Bonamute dífi dibusə útə, fe kusu ko útə mi nkə lə bafɔ mi lə binyə buləkə fe kase bo ɔyimi lala Paulo ləwɔni útə mi eyɛ lə kobe ko Onanto dítə wə əsuə. ¹⁶ Nyamfo ni lesa nə waateyi lə wə ekue nnya kenke waawɔni katsyese mi lə etiki nyamfo əsuə nɛ. Asa ətsyuə nnya waawɔni katsyese kpé ale nyaso betidi ba lenyi ku mba lənhýə kekke lə mə bofokanɔ əsuə, eefi kasɔləkələkə ka dimamflɔ kətə nnya fe kase beeyifo lə Awɔnisa Kenke eto nlebe ntsyuə. Nyamfo luutə baatsylɔsə əsuə nɛ.

¹⁷ Fɛɛ, mɔ balala, bifi biyi nyamfo koko. Nyaso bitəkə ənə bə babuatidi saa embɔwɛ mi bakpe lə mə abuyifoyifo saa ku mə esubuayeyɛ əsuə. Manla miə lə beta bibu lə mi bofokanɔ əsuə!

¹⁸ Bomu bisukosə lə bebe lə Onanto eto lefonə ku Bonamute Yesu Kristo wə ni bo Ofomfokətə eto bote əsuə. Wə boətə dibu idu mɔmɔ isu manlo manlo. Ibə itə.

**Onanto eto kakle ɔɔɔ; Sɛkpɛle
Sɛkpɛle: Onanto eto kakle ɔɔɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sɛkpɛle)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

5fc03d2a-3cf8-5607-a6e0-9e1e197140bd